

خزینہ اوراق

نومبر ۷

تاریخ تألیس
۱ مایس سنہ ۱۲۹۷

جمعہ ابرتسی

عمومی اعتباریہ فنونہ دائر رسالہ ادیبہ در

آیدہ درت کرہ اولہرق جمعہ ابرتسی کونلری چیقار

بحر محیط شرقیدہ واقع پنان اطہسی اہالیسندن پکن سنہ
ایقای فریضہ حج شریف ایچون حجازہ کلش اولان محمد سعید
افتندی بوکونلردہ مرکز خلافت اسلامیہ بی دخی زیارت ایٹک
اوزرہ استانبولہ کلشدر . مومی الہ ایلہ برقاج دفعہ ملاقات
اولنہرق کرک جزیرہ مذکورہ نک وکرک اول حوالیدہ واقع
سائر محاکر احوال جغرافیہ سند و بالخصوص سکائی اولان
اہل اسلامہ دائر بعض معلومات مفیدہ الشمس اولغلہ بروجہ
آتی خلاصہ بیان اولنور .

مذکور پنان اطہسی ہندستان ایلہ چین سواحلی ارہ سندہ
واقع مالاقا نیم جزیرہ سنک جہت غربیدہ سندہ در . ہر نقدر
کوچک ایسده ہند و چین وسویش پیندہ ایشلمیان سفینہ لک
اوغرامدلی مناسبیلہ غایت معمور بر تجارتکاہ اولوب الیوم
یوز اونوز بیک قدر نفوسی شاملدرکہ بونک یتش بیکی اسلام
واللی بیکی چینلی ودرت بیکی ہندلی و باقیسی اوروپالی
وسائرہ در .

بو اطہ وقتیلہ مقابلندہ واقع قدح مملکتہ تابع اولدینی

حالدہ یوز یکرمی سندھنبرو انگلیرلک تحت تصرفہ پکوب
یونک ایچون قدح سلطانہ سنوی بر مقدار اچہہ ویرلر .
مقدملری قطعاً اہمیتی اولیوب اہالیسی بر قاج خانہ بالقجیدن
عبارت ایدی . واپورلر اورادن سویشہ اوتوز ایکی کوندہ
کلورلر .

قدح مملکتی بش عرض شمالیسنده واقع بر کوچک مملکتدر
کہ اہالیسی مالایو جنسندن اسلامدر . وقتیلہ دہا معہور
ایسہ دہ اکثر اہالیسی مذکور پنان جزیرہ سندہ و محال سائرہ یہ
انتقال ایشدر و شمدیکی حکمداری سلطان زین الرشید بن احمد
تاج الدیندر . اراضیسی کاملاً هندستان جوزی و سائر جسم
اغاجلرلہ مستوردر . باشلیجہ محصولاتی برنج و هندستان جوزی
اولوب فقط شکر قاشی و پاموق و قہوہ و قرغیل و زنجفیل
وموز دخی حاصل اولور . و ہند قاشی و خیرزان
و عود اغاجی دخی چوقدر . اورادہ وجودہ کلان ہندستان
جوزلری غایت ایری و نفیس اولوب اہالینک باشلیجہ غذالزندن در
قدح مملکتندہ التون و دیمیر و قورشون معدنلری دخی واردر .
موقع جغرافیسی اقتضاسنجدہ غایت سیجاق اولسی لازم کلور
ایسہدہ یاغورک کثرتی و اشجار و نباتاتک و فرقی و دیگر بعض
اسبابہ مبنی ہواسی بو عرضدہ بولنان دیگر محللہ نسبتلہ
معتدلدر . اراضینک کمال درجہ منبت و محصولدار اولسی
مناسبتلہ اہالینک سندہہ یالکز اوج ای چالشمملری اسباب
معیشترلینک استحصانہ کافی اولوب باقی طقوز ای ظرفندہ
راحتلرینہ باقرلر .

ہیچ بر اوروپائی قدح مملکتندہ اراضی تملکتہ مآذون

دکدر قدح سلطانینک قورشوندن مسکوکاتی واردر و حطبه
نام نامی حضرت خلافتتاهی به اوقنور اول حوالیده بولتان
سائر ممالک اسلامیہ کبی عباسی لسان عربی تحصیل ایدرلر
ایسده پینلرده مالایو لسانی اوزره پک چوق کتب اسلامیہ
موجوددر و محزرات رسمیه لری مذکور لسان و کندولرینسه
مخصوص حروف ایله یازیلور .

اشبو قدح مملکنی امور داخلیه سنجده مستقل ایسده مذکور
مالا قانیم جزیره سنک قاره یه منتهی اولدیغی محله واقعه سیام
دولته بعض مرتبه ارتباطی واردر . و اوج سنده بر کره
ویرکو مقامنده دولت مشار الیه به بر اغاج تقدیم ایدر .
بو اغاجک دالری کوشدن و پیراقلری التوندن و چیکلری
ذقیقت طاشلردن معمولدر بو قیلدن سیام دولته مربوط
یوز اوتوز مملکت اولوب هر بری بویه بر اغاج اهدا ایدرلر
اشبو هدیه لر اوقات معینده مملکتک شهزاده و کبارندن یوز
قدر ذوات واسطه سیله سیامک باتقوق نام پایخته کوتوریلوب
مراسم مخصوصه ایله حکمداره تقدیم اولنور .

واشبو ذوات اوراده بولندقلری ائنده طرف حکومتدن
مسافر ایدیلوب عودتلرنده هر برینه خلعت و نشاندن بشقه
بر شمسیه و بر چفت ایاق قابی ویریلور .

منیف پاشا

مابعدی وار